

Song Review:

MANG JESU KA IT HI

Mang Jesu ka it hi chiin kei a hiteh,
Nuasie tang ka siet zousie Na min zaal in;
Ka Hundampa ka Tanpa khu zong Nahi,
Hing it sem ing nang malai sang in tu in.

Hing lung siet ing nang Na hing lungsiet zaal in,
Nang' hing tandohta teh Kalvari Khross ah;
Hing lungsiet ing Linglukhu Na Khuh zaal in,
Hing it sem ing nang malai sang in tu in.

Ka leitung hin tawp tanpha'n hing lugsiet vang,
Ke'n pahtawi tavang nangma ka hin tan in;
Ka shi ding chieng in tam laa hing gen vang in,
Hing it sem ing nang malai sang in tu in.

Pahtawi tavang van inn loupi leh vaah ah,
Nop tawp ngai nawnlouna mun tuol nunnuom ah;
Manglukhu khu in tam zaiola sa vang in,
Hing it sem ing Nang malai sang in tu in.

Lyrics: William Ralph Featherston

Lyrics Date: 1864

Key: F

Theme: Khrist hinkhuo a Jesu itna

Composer: Adoniram Judson Gordon

Music Date: 1894

Tune: CARITAS

Meter: 11.11.11.11

Scripture: I John 4:19

MY JESUS, I LOVE THEE

My Jesus, I love Thee, I know Thou art mine;
For Thee all the follies of sin I resign.
My gracious Redeemer, my Savior art Thou;
If ever I loved Thee, my Jesus, 'tis now.

I love Thee because Thou has first loved me,
And purchased my pardon on Calvary's tree.
I love Thee for wearing the thorns on Thy brow;
If ever I loved Thee, my Jesus, 'tis now.

I'll love Thee in life, I will love Thee in death,
And praise Thee as long as Thou lendest me breath;
And say when the death dew lies cold on my brow,
If ever I loved Thee, my Jesus, 'tis now.

In mansions of glory and endless delight,
I'll ever adore Thee in heaven so bright;
I'll sing with the glittering crown on my brow;
If ever I loved Thee, my Jesus, 'tis now.

AHING PIEN DAN:

Tam laa khu Montreal, Canada a um kum 16 a upa Willian Ralph Featherston in kum 1862 a a pientha zou sawtlou a, ahing gelkhiet mawltah leh lungphawng mama laa ahi. A gelkhiet zou in ani in hantawh in sutkhiet in ahing um hi. The London Hymn Book kichi Labu ah 1864 in sutkhiet in ahing um hi. Tu tan in zong tam laa a phutupa khutgel a um nalai a, a innkuonten a kem hoi nalai uhi.

William in laa dang khat zong a gel kia nawnsih a, ama khu a pien champha 27 veina a tun masang in ahinna ana beita hi.

Bangchi dan a tambang laa thupi mama khu khangdawng nou khat in ahing gelkhiet thei mawh adiei chi dohna tampi anga hi. Adawanna khu ahileh bang dang ahisih a, mi koizong khangdawng hi in piching hileh Pasian hagau in atung a nna a sep chieng in bawl maw ding a umsih hi.

William a khelnate zieh a kingaisie in a um a, Pasian toh kigamla ahi dan a thei mama hi. Hinanleh ahinkhuo a hing kikhel in Jesu'n a khelnate a ngaidam zoudan a thei in a muong ngam hi.

William ahing kikhel tah chieng in “silsiem tha” ahing hi a, Pasian ta ahi dan hing thei in, a khelnateng a tawpsan hi. Jesu Khrist sinsan in a hinkhuo a kipahna a pieh zou dan a thei hi. Nidang in Jesu kichi khu amin ana thei mai a, hinanleh tu in Jesu kichipa khu William a ding in a ittu lienpen leh a Hundampa ahing hita hi. Tuazieh in William in tam thu khu aman Jesu a it thuh dan genna in a zang hi.

William khu tam laa hoitah a gel zou apat kum sawm maimai hing ta nanleh a tunna ding gam khu kipahna tawp ngailou gam ahidan thei in zai-awi taw-plou ding ahi dan tambang in a giel hi:

Pahtawi tavang van inn loupi leh vaah ah,
Nop tawp ngai nawnlouna mun tuol nunnuom ah;
Manglukhu khu in tam zailaa sa vang in,
Hing it sem ing Nang malai sang in tu in.

TAM TANGTHU IN A SEPKHIET KHAT:

Ira D. Sankey apat Report:

Ni khat nungah nou meel hoi mama leh nou ngiingei, cenima leh drama a lim ching (tulai ham hileh film a nungahnu) a kizang minthang mama khat lamlien a ahing pei lai in innkot kihong khat ahing phasuh a, tuanah nungah nou lamlien a mi peite en a tou, daang dingdeng damlou meel puo khat amu hi. Tua nungah nou panpi theina khat a umkhahleh chiin a valut a, a vakan hi. Tua nungah nou damlou khu Pasian a ding a kipe zou mama khat ana hia, Tua lim ching nungah meel hoinu in nungah damlounu toh a houlimna ua pat, a hamkamte apat, a kipieh zounate apat, a umdan leh van lam a kinepna hoitah anei dan a thei chieng in alung a khoi mama a, tuachiin ahing piengtha a Khristian a hing kipie in Jesu Khrist nuajui hoitah ahing hita hi. Tam thu khu apa leh a sepna a apute kung a a gen chieng in kholai houlimna nasatah a pieng a, a nasep lim chiin pen toh Khristian hinkhuo kituoh talou ahizieh in a nehsuina tanpha kise ding ahizieh in apa a lungkham mamata hi. Tuachiin zawl thei tan a zawl a, a gengen chieng in atawp in maban bang-khaitah mai a um khu sutzop kia ding lem ahing sa kiata hi. A sepna ban ah-ing zop chieng in a nehsuina uh tanlou ding chi ahing theitah in apa a kipah mama hi. Etnop suona ding drama ahing kipan kia a, tuachiin entu mi asang a sim hing peikhawmte mai ah nungah meel hoinu khu apa thu mang in ah-ing pei kia a, nidang sang in ameel zong hoi dieh abang hi. Tuachiin entu leh ngainatu tamtahte lai ah hing pei in a meel lawm nou ahing lang a, hinanleh tam nungahnun tam laa ahing sakhie hi:

Mang Jesu ka it hi chiin kei a hiteh,
Nuasie tang ka siet zousie Na min zaal in;
Ka Hundampa ka Tanpa khu zong Nahi,
Hing it sem ing nang malai sang in tu in.

Khrist aneitah zieh in tam laa sa kawm in entu sang tamtahte hitui luong kawmkawm in tam mun a kilang kia nawnlou ding in etnop bawlina mun khu a pawtsanta hi. Hinanleh ama apat in apa ngei in zong pienthana ahing nei a, tuachiin apa toh pangkhawm in Missionary nna a semkhawm ua, mi tamtahte Khrist aangsung ah ahing puilut uhi.

Jesu na neitai? “Sil siemtha” nahi tai mah? tuabang ahileh Pasian phat in pahtawi inlen tam “Jesu itna laa” sa in. Tam laa in Khrist a na kipumpiehna leh Jesu’n shi tanpha a Kalvari sing tung a, a ahing itna puongzah hen.

Hinanleh Pasian ta hinailou nahileh Jesu kung ah ngen inlen na Hundampa in saang in. Hundam ngai nahi dan Jesu kung ah gen inlenna khelnate toh zuon in. Ama gintatna in na khelna apat ahing sawpsieng ding hi. Ama leh athu na gingta a, na hinkhuo pumpi puitu ding a na dei dan hil in. Na lungtang sung ah tengsah inlen Hundampa in pom tan.

.....